

CYNGOR CYMUNED CRYMYCH - CRYMYCH COMMUNITY COUNCIL

Clerc: Bethan Williams, 9 Berllan Aur, Boncath, SA37 0AB
cyngorcymunedcrymych@gmail.com / 01239 920180

Cofnodion Cyfarfod 10/2023

Pwynt Agenda	Prif drafodaeth	Pwyntiau Gweithredu
1. Croeso ac Ymddiheuriadau	Presennol Aled Johnston, Bill Davies, Cris Tomos (Cadeirydd), Eirlys Twigg, Hywel Lewis, Iwan Evans, Melony Richards, Robin Davies, Roger Howells, Bethan Williams (Clerc) Ymddiheuriadau Emyr Thomas	
2. Cofnodion cyfarfod blaenorol – Cynnig ac eilio	Cynigiodd Bill eu bod yn gywir, eiliodd Roger ac fe'u derbyniwyd fel cofnod cywir.	
3. Materion yn codi o'r cofnodion	(i) Arwyddion dim cŵn ar gyfer parc chwarae Maes Meigan • Dydy'r arwydd ddim wedi mynd lan eto • Awgrymodd Shôn y gallai'r arwyddion achosi trafferth ac y byddai pobl yn gwrthwynebu. • Er nad oes rhaid holi barn trigolion lleol awgrymodd y gallai fod yn syniad gofyn barn y rhai sy'n byw ym Maes Meigan. • Cytunwyd eto i fynd ati i roi arwyddion ym Maes Meigan. • Cytunwyd hefyd, gan fod arwydd ar gael, i roi un ger tŷ Jac Vaughan, gan i rywun ddwyn yr arwyddion tu fas i'w dŷ. (ii) Tŷ Bach Crymych • Dydy'r tai bach ddim wedi ailagor gan fod yr holl waith atgyweirio ddim wedi ei wneud eto.	Shôn i drefnu gosod arwyddion dim cŵn gydag Eirlys yn y pentre Cris i ddilyn lan gyda Steve Edwards

	• Roedd yr heddlu'n edrych ar ffilm CCTVs gerllaw'r tŷ bach, ond doedd dim byd ar unrhyw gamera gerllaw felly mae'r ffeil wedi ei gau. • Rydyn ni wedi derbyn dyfynbris ar gyfer camerâu i gadw llygad ar y tai bach, byddai un yn edrych tuag at ddrws y tŷ bach ac un ar du allan i Neuadd y Farchnad. Byddai'n bosibl cael camera ar gyfer tu fewn Neuadd y Farchnad hefyd. • Cytunwyd mewn egwyddor i osod dau gamera i gadw golwg ar y tŷ bach. • Byddai angen gosod un camera ar wal Neuadd y Farchnad felly mae angen gofyn caniatâd gan bwyllgor Neuadd y Farchnad i'w osod • Mae angen gofyn i bwyllgor Neuadd y Farchnad a ydyn nhw am osod camera tu fewn i'r neuadd yr un pryd, a bod y neuadd yn talu am y camera hynny. (iii) Rhent canolfan gwastraff Hermon • Mae'r anfoneb wedi ei ail-ddanfôn ond heb ei dalu o hyd felly mae angen dilyn lán eto, gan fod taliad am llynedd ac eleni yn ddyledus. (iv) Rhestr Asedau'r Cyngor • Mae rhestr o dir mae'r Cyngor Cymuned yn eu dal gan Bethan, mae angen ei rhannu gyda'r cynghorwyr i gyd. (v) Cadw Halen yn Llanfyrnach • Trafodwyd y syniad i beidio cadw halen yn sied Mansel Davies yn Llanfyrnach mewn cyfarfod llawn o'r Cyngor Sir rai misoedd yn ôl ac fe gododd Shôn ei bryder bryd hynny, a gyda'r Arweinydd, David Simpson. • Mae'n debyg bod Mansel Daviers eisiau defnyddio'r sied ei hun a bod angen ffeindio lleoliad arall ta beth. • Mae'r Cyngor yn sôn am gario halen o depot canolog, bydd	Robin i ofyn caniatâd pwyllgor i osod camera ar wal y neuadd, ac i holi a fyddai diddordeb rhoi camera tu fewn i'r neuadd. Bethan i ddilyn lán taliad am rhent ar dir canolfan gwastraff Hermon Bethan i rannu rhestr asedau'r cyngor gyda chynghorwyr
--	---	---

	angen cadw llygad i wneud yn siŵr bod halen yn cael ei gadw yn yr ardal.	
4. Gohebiaeth	(i) Clynyfw • Cysylltodd Jim Bowen o Fferm Clynyfw i roi diweddariad gan fod y fferm yn mynd i fod yn gwerthu cyfranddaliadau ac yn mynd i newid i fod yn Gymdeithas er Budd Cymunedol maes o law. • Roedd cais i ddod i siarad gyda'r cyngor. Nodwyd bod fideo gyda'r e-bost yn rhoi manylion yr hyn sydd ar y gweill a bod y cyngor yn dymuno'n dda i'r fenter. (ii) Canolfan Cymunedol • Ysgol Bro Preseli sy'n gyfrifol am redeg y Ganolfan Cymunedol erbyn hyn ac mae'r Corff Llywodraethol wedi penderfynu codi £30 i ddefnyddio'r ystafell gyfarfod. • Nodwyd bod lleoliadau eraill y gallwn ni eu hystyried os ydyn ni eisiau edrych ar leoliad arall i gwrdd. (iii) Cyfyngiad 20mya • Mae busnes lleol wedi cysylltu i nodi effaith y cyfyngiad ar ei fusnes cludiant. • Y Cyngor Sir oedd yn gyfrifol am wneud cais i eithrio ffyrdd yn y sir, felly does dim llawer y gall y cyngor ei wneud, ond os bydd cyfle i godi'r pryderon gyda'r Cyngor Sir bydd y cyngor cymuned yn gwneud. (iv) Eisteddfod Crymych • Daeth cais am gyfraniad tuag at gostau Eisteddfod Crymych. • Rhoddwyd £200 felly cytunwyd yn unfryfol i roi £250 eleni.	Bethan i ymateb i nodi hyn Bethan i drefnu taliad

5. Ariannol	• Roedd £15,591.93 yn y banc ar ddiwedd mis Medi	
6. Cynllunio	(i) Cware Glôg • Does dim newidiadau, dim ond parhau i gadw gwastaff o'r cware sydd. • Cytunwyd nad oes angen cyflwyno ymateb gan nad oes gwrthwynebiad	
7. Polisi iaith ar gyfer y Cyngor Sir	• Mae cyngor cymuned yng Ngwynedd wedi rhannu polisi iaith maen nhw'n ei ddefnyddio gyda ni. • Mae'n polisi yn nodi mai Cymraeg yw iaith cyfarfodydd a chofnodion y cyfarfodydd, • Cytunwyd yn unfryfol i fabwysiadu'r polisi.	
8. Golau Nadolig	• Mae'r golau lan o hyd ers llynedd ond mae angen gwneud yn siŵr eu bod nhw'n gweithio o hyd, ac mae lle am goeden tu fas i'r Crymych Arms. • Cytunwyd i gael dwy goeden eleni ac i gael coeden fwy o faint na llynedd - un i fynd tu fas i Crymych Arms a'r llall yn nhop y pentref • Bydd y gymuned biau'r Crymych Arms yn swyddogol erbyn y 6ed o Hydref, a'r bwriad yw agor ddechrau Rhagfyr • Nodwyd llongyfarchiadau i bawb sydd wedi bod ynghlwm â phrynu'r Crymych Arms. • Nodwyd llongyfarchiadau i'r Clwb Rygbi yng Nghrymych hefyd, wedi iddo agor estyniad ym mlaen y clwb. • Awgrymwyd y byddai modd gwneud achlysur yn y pentref i nodi'r Nadolig, gellid ceisio trefnu ymweliad gan Siôn Corn a charolau yr un noson â throi golau'r goeden ymlaen? • Awgrymwyd hefyd y gallai siopau wneud mwy eu hunain a bod angen gofyn i fusnesau ddod at ei gilydd i drefnu, a sefydlu	Shôn i edrych i mewn i goed Nadolig addas

	grŵp i fusnesau. Gallai busnesau'r pentref a busnesau safle Parc Gwynfryn fod yn rhan o'r grŵp, gallent gefnogi ei gilydd, a gallai'r Cyngor Cymuned ystyried sut i'w cefnogi. E.e. gallai'r grŵp neu'r Cyngor Cymuned brynu golau Nadolig ar y cyd i bob siop sydd eisiau a'u gwerthu i bob siop am bris cost. Byddai'n rhatach na phetai pob siop a busnes yn prynu golau yn unigol.	Cris i siarad â Matthew Parry am y syniad o greu clwb busnes - Siambr Fasnach.
9. Rhandiroedd	- Cytunwyd ar ddechrau'r flwyddyn i godi rhent ar y rhandiroedd i £25. Mae Roger wedi dechrau siarad gyda rhai sydd â rhandir ar hyn o bryd, bydden nhw'n hapus i dalu'r £25 ond mae angen siarad ag eraill. - Dydy pawb ddim wedi gwneud defnydd llawn o'u rhandir, a pawb ddim yn talu'n brydlon felly cytunwyd bod angen dweud wrth bawb sydd â rhandir bod angen iddyn nhw dalu o fewn mis, neu bydd rhywun arall yn cael cynnig y rhandir. - Mae angen gwaith ar dir y rhandir hefyd, mae ffensys yn cwmpo, clawdd yn tyfu dros un o'r rhandiroedd, mae angen cael gwared ar y siediau a thynnu dwy goeden. - Mae llythyr gyda ni wedi ei baratoi ar gyfer y rhai sydd wedi bod yn rhentu rhandiroedd, mae angen ei ddosbarthu	Roger i edrych i mewn i bobl i wneud gwaith ar y rhandiroedd Bethan i drefnu cael y llythyr at Roger Roger i ddosbarthu'r llythyr i'r rhai sydd â rhandir
10. UFA	(i) Ymatebydd Cyntaf - Chafodd yr ymatebydd cyntaf ddim ei alw mas i helpu rhywun oedd yn cael ataliad ar y galon, er y byddai'n rhaid iddi aros o leiaf teirawr am ambiwlans. Doedd criw yr ymatebydd cyntaf ddim wedi cael gwybod gan y gwasanaeth ambiwlans am yr achos. - Mae sawl achos tebyg wedi codi, er bod yr ymatebydd cyntaf ar gael ac yn barod i fynd dydy e ddim yn cael ei alw mas. - Cytunwyd bod angen codi hyn gyda'r Gwasanaeth Ambiwylans, y Gwasanaeth Tân ac Eluned Morgan, a gofyn pam nad yw'r ymatebydd cyntaf yn cael ei alw mas. - Mae angen edrych hefyd a oes grŵp neu ymgyrch mewn ardal	Trefnu llythyron i godi'r mater Cris i weld a oes grŵp arall yn gwneud gwaith

	arall yn codi'r un problemau er mwyn cydweithio gyda nhw. (ii) Draen yn Llanfyrnach Mae dŵr yn codi o ddraen yn Llanfyrnach pan fydd hi'n bwrw glaw ac mae angen ei lanhau.	ar hyn Shôn i drefnu glanhau'r draen
11. Dyddiad a Lleoliad y Cyfarfod Nesaf	7.30pm Nos Iau Tachwedd 2 Llyfrgell Crymych	